



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Collegiis Canonicorum Per Germaniam, Belgivm,
Galliam, Hispaniam, Italiam, Aliasque Orbis Christiani
Prouincias, Liber Singvlaris**

Le Mire, Aubert

Coloniae Agrippinae, 1615

Capvt CVIII.

urn:nbn:de:hbz:466:1-11227

in vrbe *Vilshouen*. Auentinus de fundatione huius collegij sic ferè scribit in Annalibus lib. septimo: *Circa annum millesimum trecentefimum sexagesimum sextum Henricus Tuschl cum filio Schvitzhero duodecim mystarum Collegium in Vilshouen instituit, & sequenti anno XII. Kalendis Octobris deceffit.* Quod non omnino conuenit cum scriptura ad parietem chori ibidem affixa, quæ habet anno millesimo trecentefimo octogesimo octauo obiisse militem *Henricum*, dictum *Tuschl* fundatorem collegij in *Vilshouen*, quod *Schvvikherus* filius cõsummauit. Sic ferè *Hundius* in *Metropoli Salsburgensi*:

CAPVT CVIII.

SANCTI VINCENTII COLLEGIUM
Gorcomiense & alia in Hollandia.

Collegium istud tredecim Canonico-
rum fundauit *Otto* Dominus de *Artkel*
anno millesimo trecentefimo septuagesimo
octauo, odie duodecima Iunij. Ex his Canoni-
cis decimus tertius est Collegij Decanus.

SANCTAE MARIAE COLLEGIUM
Hagenfe.

Haga-Comitis est pagus *Hollandiæ*
amplissimus, *Hollandiæ* Comitum o-
lim sedes ac domicilium. In Palatio *Hagenfe*
N 2 colle-

196 DE CANONICORVM

collegium Canonorum excitauit *Albertus Bauarus*, Hollandiæ Comes anno millesimo trecentesimo sexagesimo octauo.

SANCTI ADRIANI COLLEGIVM

in Naeldvich tertio lapide ab Haga Comitit.

FVndatum est collegium istud à *Guilielmo de Naeldvich*, milite, hoc est, vt nos hodie loquimur Equite, anno millesimo trecentesimo septimo in honorem Sancti Adriani & vsum sex canonicorum, vt patet ex Diplomate eiusdem *Guilielmi*, anno eodem dato, & à *Guidone* Episcopo Ultraiectensi confirmato; itemque à *Guilielmo de Couster* Præposito & Archidiacono Ultraiectensi.

Ceterum anno millesimo trecentesimo sexagesimo nono datum est diploma à *Ioanne de Viernenburch*, Episcopo Ultraiectensi, quo concessum fuit, vt aueretur numerus præbendarum ad duodecim: petente *Guilielmo de Naeldvich* armiger o dicti *Guilielmi* nepote.

SANCTI PANCRATII COLLEGIVM

Leidense.

LEida siue Lugdunum Batauorum amplum est Hollandiæ opidum, in quo collegium viginti quatuor canonicorum fundauit *Ioannes de Vernenborch*, Episcopus Ultraiectinus anno 1366. Hodie Leida habet Academiam.

S. 10-

SANCTI IOANNIS BAPTISTAE
Collegium Hastense.

Collegium octo canonicorum in *Hasten*
excitavit *Otto* dominus eiusdem loci
anno millesimo trecentesimo nonagesimo
nono.

SANCTAE BARBARAE CVLENBURGENSE
Collegium.

Culenburchum opidum est Comitatus
titulo nobile, in quo collegium decem
canonicorum fundavit *Humbertus* Dominus
Culenburchensis anno millesimo quadringen-
tesimo vigesimo secundo.

AMERSFVRTENSE COLLEGIVM.

AMersfurtum opidum est ditionis vl-
traiectinæ, in quo collegium duode-
cim canonicorum fundavit *Ioannes de*
Diest, Episcopus Ultraiectinus anno millesi-
mo trecentesimo trigesimo septimo, die vige-
sima prima Augusti.

SANCTI IOANNIS BAPTISTAE
Collegium Vicanum.

In *VVich*, ditionis Ultraiectinæ opido,
quod veteres *Dorestatum* appellarunt col-
legium duodecim canonicorum fundavit
Gisbertus, Dominus de Abcauda anno mil-
lesimo trecentesimo sexagesimo sexto.

198 DE CANONICORVM
SANCTAE CATHARINAE BRILA-
num Collegium.

BRila opidum est Hollandiæ, in quo Collegium Canonorum fundatum est à Domino seu toparcha de Voorne.

Est & collegium Canonorum in *Abbenbroek*, in *VVesterzalburch*, in *Oostvorna*, & alibi alia in Hollandia.

CAPVT CIX.

COLLEGIA VARIA CANONICORVM
in regno Gallie.

Collegium S. Mariæ *Molinensis* in Borbonia anno millesimo trecentesimo octogesimo sexto fundauit Ludouicus Dux Borboniæ.

Collegiũ B. Mariæ Cleriacensis circa an. 1200. fundatum est à viro nobili Domino Salæ: quod redivibus multisq; priuilegijs auxit Ludouicus XI. Gallie Rex: cuius & sepulcrũ marmoreum eo loco vidimus aliquando.

Collegium S. Petri Macerensis, vulgò *de Maisieres*, quod est opidum Mosæ fluminis aditum, fundauit *Manasses*, Comes Registensis anno 1176. pro XII. Canonicis: teste Choppino lib. II. Monast. tit. vlt.

S. Geruasij, Lectorense collegium.

S. Cæcilie, Albigense.

S. Mariæ, Rouermense.

S. Mariæ, Samathanense.

S. Mar-